

ՀԱՅ-ԱՏՐՊԵՅՆԱԿԱՆ ՀԱՆԴԻՊՈՒՄ

Հայ-ատրպեյնական սահմանի երկ տեղի ունեցալ գերիներու, պատանդ-ներու եւ անհետ կորսուած մարդոց հարցերով զբաղող նախարարական յանձն-նաժողովներու հանդիպումը: Ըստ Ազգային անվտանգութեան ծառայութեան, ժողովականները քննարկած են անհետ կորսուած անձերուն ճակատագիրը պարզելու անհրաժեշտութիւնը, ապա համաձայնած են շարունակել փոխադարձ շփումները եւ հանդիպումները՝ յանգելու համար այս հարցով վերջնական լուծումներու:

ԱՌՒՆ.

«ՊԷՏՔ Է ՅԱՐԳԵԼ 18 ՓԵՏՐՈՒԱՐԻ ՊԱՅՄԱՆԱԺԱՄԸ»

Հանրապետութեան նախագահ Միշել Աուն երկ Պաապ-տայի պալատին մէջ ընդունեց Միջին Արեւելքի հարցերով Միացեալ Նահանգներու յատուկ պատուիրակի տեղակալ Մորկըն Օրթալընը եւ խօսեցաւ հարաւի վիճակին մասին:



Չեշտելով մինչեւ 18 Փետրուար երկարած զինադադարի համաձայնութիւնը ամբողջութեամբ գործադրելու անհրաժեշտութիւնը: «Լիբանանեան բանակը պատրաստ է տեղա-կայուելու հարաւի բնակավայրերուն մէջ, երբ ամբողջապա բռնագրաւեալ շրջաններէն իսրայէլեան ուժերուն վերջնական նահանջը՝ հիմնուելով 1701 բանաձեւին վրայ, որպէսզի տուն վերադառնան բնակիչները եւ սկսին վերականգնել իրենց կործանուած բնակավայրերը», պահանջեց նախագահը:

ՀԶՁՊԱԼԼԱ ՊԱՐՏՈՒՄ Է

Ամերիկացի պատուիրակի տեղակալ Մորկըն Օրթալըն նախագահ ժողէք Աունին հետ տեսակցելէ ետք յայտնեց, թէ զինուորական պարտութիւն կրած Հրապարակուած ուժերէ ձեւով մասնակից չէ Լիբանանի նոր կառավարութեան: «Միացեալ Նահանգներու մէջ բնակող լիբանանցիներուն մօտ նկատեցի աննախադէպ ոգեւորութիւն Լիբանանի վերականգնումին վերաբերեալ: Կը կարծեմ, որ այդ արդիւնք է Հրապարակայի պարտութեան եւ մենք անոր համար երախտագետ ենք Իսրայ-լիւն», ըսաւ Օրթալըն: Ան գնահատեց հանրապետութեան նախագահին եւ նշանակեալ վարչապետին յանձնառութիւնը բարեկարգումներուն եւ փտածութեան դէմ պայքարի ուղեգի-ծին: «Լիբանանցիները պէտք է իմանան, որ մենք յանձնառու կը մնանք մեր բարեկամական յարաբերութիւններուն եւ համագործակցութեան: Այս կը բխի մեր համոզումէն, որ Լիբա-նանի մէջ կան թափանցիկ եւ անկեղծ աշխատող անձնաւոր-ութիւններ», շեշտեց ամերիկացի պատուիրակին տեղակալը:

Հանրապետութեան նախագահութիւնը շուտով յստակա-ցուց, որ «Միջին Արեւելքի հարցերով ամերիկացի պատուի-րակի տեղակալին Պաապտայի պալատէն կատարած յայտարարութիւնը կը ներկայացնէ իր տեսակետը եւ առնչուած չէ Լիբանանի նախագահութեան դիրքորոշումներուն հետ»:

Բողոքելով Օրթալընի յայտարարութիւններէն, խումբ մը քաղաքացիներ երկ կէսօրին մահիւն հրկիզելով ժամանակա-տրապէս փակեցին Պէյրութի օդակայանի մայրուղին՝ ինք-նաշարժները ուղարկելով երկրորդական ճամբաներու ողողութեամբ: Հրապարակայի հետեւորդները բողոքի նստացոյց մը կազմակերպեցին նաեւ օդակայանի մուտքին ու շեշտեցին, որ իրենց խնդիրը հանրապետութեան նախագահին հետ չէ, այլ՝

ամերիկացի պատուիրակին: Հրապարակայի «Հաւատարմութիւն դիմադրութեան» խմբակցութեան նախագահ, երեսփոխան Մոհամմատ Ռաստ ամերիկացի պատուիրակին յայտարարու-թիւնները համարեց լիբանանեան գերիշխանութեան նկատ-մամբ ունեցուած եւ դիւանագիտական բոլոր կարգերու խախտում: Շիիններու մուֆթի շէյխ Ահմատ Քապպալան իր կար-գին հաւաստիացուց, որ «Հրապարակ չէ պարտուած ու չի պարտուիր, իսկ առանց Ամալ-Հրապարակ զոյգին կառավարու-թեան մը կազմութիւնը երկիրը կը մղէ անորոշութեան»:

Իսկ Ֆրանսայի Արտաքին գործերու նախարարութիւնը, մեկնաբանելով Լիբանանի նոր կառավարութեան մէջ Հրապար-կայի ներկայութիւնը մերժող ամերիկեան դիրքորոշումը, մարդեց որ նշանակեալ վարչապետը գտնէ յայտնուած բար-դոյթները յաղթահարելու միջոցներ:

ԱՎՅԱՆԱՅԻՆ ԵՐԿՈՒ ԵՎԱԿՍԻ ԼԱՐՈՒԱԾՈՒԹԻՒՆ

Անցնող երեք օրերուն, ապահովական վիճակը խիստ լարուած էր Սուրիոյ հետ Լիբանանի հիւսիսարեւելեան սահմանային գօտիին վրայ, ուր բախումներ տեղի ունեցան սուրիացի զինեալներու եւ լիբանանեան այդ շրջանի բնակիչ ցեղախումբերուն միջեւ: Երկ առաւօտեան իրավիճակը դարձ-եալ վատթարացաւ, երբ սուրիացի զինեալները ռումբեր, հրթիռներ եւ անօդաչու սարքեր արձակեցին լիբանանեան շրջաններուն վրայ, թիրախաւորելով մասնաւորաբար Քուէխ, Քանաֆէք եւ Սէլիէք Մայ գիւղերը, մինչ դիպուկահարներ սահ-մանային կէտերէ կրակ բացին լիբանանեան դիրքերու ուղղութեամբ: Երկուսայ մարտերուն ընթացքին լիբանանեան կողմէն մահացաւ երկու հոգի, վիրաւորուեցան առնուազն



տասը ուրիշներ՝ մեծ մասամբ ժաաֆար գերդաստանէն: Սուր-իական կողմէն ալ մահացաւ երկու զինեալ, գերեվարուեցան բազմի մը ուրիշներ: Ի տես սահմանային բախումներու լրջութեան, լիբանանեան բանակը երկ յաւելեալ ուժեր ուղար-կեց Պաալպաքի եւ Հըրմէլի սահմանային գօտի՝ հակակշիռի տակ առնելու կացութիւնը: Իսկ երկ գիշեր, հանրապետու-թեան նախագահ ժողէք Աուն հեռաձայնային հաղորդակ-ցութիւն մը ունեցաւ Սուրիոյ անցումային նախագահ Ահմատ Շարաայի հետ՝ քննարկելու սահմանային լարուածութիւնը: Աուն եւ Շարաա համաձայնեցան աշխուժացնել համակար-գումը եւ զսպել սահմանային իրավիճակը, կանխելով երկու կողմէն քաղաքացիներու թիրախաւորումը: Նշենք, որ սահմա-նային ժոպէ անցակէտին վրայ երկու կողմերուն միջեւ տեղի ունեցաւ գերիներու փոխանակում՝ Կարմիր խաչին միջնորդու-թեամբ:

Շարունակութիւնը տեսնել էջ 4

ՊԱՂԵՍՏԻՆԵՐ ԾԱԽՈՒ ԶԷ

Կազային տիրապետելու եւ պաղեստինցի բնակչութիւնը տեղահանելու մասին Միացեալ Նահանգներու նախագահ Տոնըլտ Թրամփի յայտարարութիւններուն լոյսին տակ, Պաղեստինի նախագահութեան բանբեր Նապիլ Ապու Ռուտէյնա յայտնեց, որ «Պաղեստինը, հողը, պատմութիւնը, սրբութիւն-ները եւ ժողովուրդը ծախու չեն, իսկ պաղեստինցիներուն



շահերը ենթակայ չեն բանակցութեան, այլ ժողովուրդին արդար իրաւունքներն են»: Ըստ նախագահութեան, ժողովուր-դը պիտի չհրաժարի իր արդար իրաւունքներէն, այլ յանձնառու պիտի մնայ իր ազգային անկախ որոշումներուն, որ կը ներ-կայացնէ ազատագրութեան կազմակերպութիւնը, պահանջե-լով անկախ պետութիւն եւ երուսաղէմը՝ որպէս մայրաքաղաք: Լիբանանի Արտաքին գործերու նախարարութիւնը հաղոր-դագրութեամբ մը դատապարտեց Կազային տիրապետելու

մասին ամերիկացի նախագահ Տոնըլտ Թրամփի ծրագրերը: Ըստ նախարարութեան, Կազան գրաւելու եւ պաղեստինցի-ները տեղահանելու ծրագիրը փորձ է ճգնելու պաղեստինեան դատը եւ զայն ենթարկելու մոռացութեան:

ԽԱՄԻՆԷԻ ԿԸ ՄՊԱՌՆԱՅ

Իրանի իսլամական յեղափոխութեան գերագոյն առաջնորդ այաթոլլա Ալի խամինէի շեշտեց, որ Ռաշիմկընի հետ բանակցութիւններու հովվոյթը որեւէ կապ չունի Իրանի



դիմագրաւած խնդիրներու լուծումին հետ, յիշեցնելով որ ամերիկացիները միշտ կը ժխտեն իրենց համաձայնութիւն-ները: «Եթէ ամերիկացիները վտանգեն Իրանի ժողովուրդին ապահովութիւնը, ապա մենք եւս խստիւ պիտի թիրախաւորենք ամերիկեան անվտանգութիւնը», սպառնաց խամինէի:

ԿԱՌԱՎԱՐՈՒԹԵԱՆ ԿԱԶՄՈՒԹԵԱՆ ԳՈՒԼԻՍԱՅԻՆ ՄԱՍՆԱԿԻՅԸ

Որոշակի ձգձգումէ ետք, անցնող 48 ժամերուն վերստին աշխուժացան նոր կառավարութեան կազմութեան միտող բանակցութիւնները, գլխաւորութեամբ հանրապետութեան նախագահին եւ նշանակեալ վարչապետին, անմիջական մաս-նակցութեամբ խորհրդարանի նախագահ Նեպիի Պըրրիի, որ



մասնաւորաբար հետաքրքրուած էր շիի յարանուանութեան յատկացուած 5-րդ նախարարին ինքնութեամբ: Նշանակեալ վարչապետ Նաուաֆ Սալամ երկ կրկին այցելեց Պաապտա եւ նախագահ ժողէք Աունի հետ քննարկեց կառավարութեան կազմութեան թղթածրարն ու նախարարական թեկնածու-ներուն անունները, ապա մեկնեցաւ առանց մեկնաբանութեան: Նախագահ ժողէք Աուն յայտնեց, թէ նոր կառավարութեան կազմութիւնը մօտեցած է իր դրական ասարտին, հաւաստիա-ցնելով որ նախարարներուն կազմը պիտի ըլլայ ներդաշնակ եւ գործունեայ, որպէսզի կարենայ իրագործել լիբանանցի-ներուն իղձերը եւ լուծել երկրին բազում խնդիրները:

Մինչեւ երկ ուշ գիշեր տակաւին կը շարունակուէին բանակ-ցութիւնները մշտալ նախարարի ինքնութեան շուրջ, միաժամա-նակ կը հաղորդուէին Սալամի, Պըրրիի եւ Հրապարակայի միջեւ համաձայնական թեկնածուներու անուններ, մինչ որոշ թեկնա-ծուներ կը ժխտէին նախարար նշանակուելու իրենց հետաքրքրութիւնը: Կառավարութեան կազմութեան աշխա-տանքներուն Պըրրիի բուխային մասնակցութիւնը յառաջացուց Ազգային ազատ հոսանքի նախագահ ժարան Պասիլի վրդովմունքը: Նախարարներու նշանակումի հոլո-վոյթին Պըրրիի մասնակցութիւնը համարելով հակասահ-մանադրական, Պասիլ շեշտեց, որ ստեղծուած վիճակին պատճառը նախարարներու ընտրութեան յստակ չափանի-շերու բացակայութիւնն է: «Ուրիշներ գուցէ ընդունին, բայց մենք կը մերժենք մաս կազմել այսպիսի իշխանութեան եւ կը նախընտրենք դառնալ ընդդիմութիւն», ըսաւ Պասիլ:

ԿԱՍՏԱԿԱՇԱՏ ՈՒՍՈՒՑՉՈՒՅԻՆ «ԱՐԱՐԱՏ»-ԻՆ ՆՈՒԻՐԵՑ ԻՐ ԵՐԱՆԱՅՐԻՔԷՆ ՕՐԻՆԱԿ ՍԸ

Մեծի Տանն Կիլիկիոյ Կաթողիկոսութեան Դպրեվանքի անգլերէնի ուսուցչուհի տիկին Լեւա Պօղոսեան, 6 Փետրուար 2025-ին, այցելելով «Արարատ»-ի խմբագրա-տուն՝ տնօրէնութեան նուիրեց իր նախընծան «Echoes Of A Classroom» (Դասարանի Մը Արձագանգները) մակագրեալ օրինակը:

Մեծի Տանն Կիլիկիոյ Կաթողիկոսութեան տպարանէն լոյս ընծայուած 107 էջոց հատորին մէջ ամփոփուած 12 գլուխները վաստակաշատ մանկավարժութիւնը դասաւանդ-ման ուղեւորութեան ընթացքին քաղած փորձառութիւն-ներուն ու անձնական մտորումներուն արձագանգն են:



Հատորը նուիրուած է հեղինակին «սիրելի երեխանե-րուն», «ոգեշնչող ուսանողներուն» եւ բոլոր «նուիրեալ ուսուցիչներուն»:

Մեր կարծ գոյցին ընթացքին լսեցինք հեղինակին կար-ծիքը Լիբանանի ներկայ կրթական համակարգի դժուար-ութիւններուն մասին: Ան պատմեց նաեւ, որ Անարատ Յղութեան Սրբուհի Ազնէ եւ Հայ Աւետարանական Թորոս-եան վարժարաններուն մէջ իր աւելի քան 19-ամեայ ուսուցչական ասպարէզի ընթացքին հաւաքած նօթերը, ա-շակերտներուն մամակները եւ անոնցմէ արձանագրած յուշերը մեծապէս օգտակար հանդիսացած են հատորի ձեւաւորման:

««Echoes Of A Classroom»ը անգլերէնով է, սակայն անոր հոգին հայկական է,- ըսաւ տիկին Լեւան ամփոփելով,- «ընթացքի մէջ է երկրորդը՝ հայերէնով երկարաշունչ աշխա-տանք մը»:

«ԱՄՍԻՍ» - ՄԵՐ ԱՆԿԻՆԵՆ

ՕՍԿԱՆԵԱՆ՝ ՄԵՂՐԻԷՆ ՄԻՆՉԵՒ ՈՒԱՇԻՆԿԹԸՆ

Միացեալ Նահանգներու Պետական քարտուղարութիւնը գաղտնագրած է փաստաթուղթեր, որոնք կը վկայեն, թէ 90-ականներու վերջերուն Ռուսերը...

Քոչարեանն ու Չէյտար Ալիեւը գլուխ-գլխի հանդիպումներու ընթացքին համաձայնութեան եկած են լուծելու Ղարաբաղեան խնդիրը տարածքներու փոխանակմամբ՝ Մեղրին Ղարաբաղի դիմաց սկզբունքով:

Անցնող տասնամեակներուն այս հարցը եղած է Հայաստանի ներքին քաղաքական կեանքէն ներս ամենէն աւելի արծարծուած հարցերէն մէկը, սակայն այդպէս ալ մնալով օդին մէջ կախուած առանց յստակացման:

Այդ օրերուն գլխաւոր դերակատարները հանդիսացող Ռուսերը Քոչարեանը ու անոր կողքին կանգնած արտաքին գործերու նախարար Վարդան Օսկանեանը միշտ ալ հերքած են մնան ծրագիրի մը գոյութիւնը, որուն իրականացումը պիտի նշանակէր ընդունիլ Ղարաբաղի Ատրպէյճանին պատկանելութիւնը, իսկ Մեղրիի հետ փոխանակումը պիտի փակէր կապը Իրանի հետ, այդպիսով աւելի սեղմելով Հայաստանի շուրջ շրջափակումը:

Այս նոր բացայայտումները մեծ ուշադրութեան պիտի չարժանանային, եթէ նախկին երկու նախագահները տարիներ շարունակ Արցախի հարցը չօգտագործէին իրենց քաղաքական նպատակներուն համար, իսկ հիմա կը շահագործեն իշխանութեան վերադառնալու համար:

Այս արկածախնդրական ծրագրի գլխաւոր դերակատարներէն մին՝ Վարդան Օսկանեան կը շարունակէ մեղադրել ներկայ իշխանութիւնները՝ Արցախի կորուստին համար, անտեսելով կամ մոռացութեան տալով իր պատասխանատուութիւնը դէպքերու մնան գարգացման մէջ:

Փոխանակ գաղտնագրածութեան փաստաթուղթերու մասին խօսելու, Օսկանեան ինքզինքին իրաւունք տուած է կոչ յղելու ամերիկահայութեան՝ չհանդիպելու Ուաշինգթոն այցելող վարչապետ Նիկոլ Փաշինեանի հետ: Իր կոչը հիմնաւորելու համար Օսկանեան կ'ըսէ. «Փաշինեանի ծախսած առաջնորդութեամբ հայ ժողովուրդը կը բոլորէ իր նորագոյն պատմութեան իր ամենէն աղէտալի շրջանը... Հայաստան կրէ գինուոր ական պարտութիւն եւ ունեցաւ հողային կորուստներ... Փաշինեանի վարկանիշը հասած է 10 տոկոսի ... ժողովրդավարութիւնը նահանջի մէջ է... Փաշինեան կը խանգարէ արցախցիներու վերադարձը իրենց բնակավայրերը եւ գերիներու ազատ արձակումը:

Ըստ Օսկանեանի, իր այս բոլոր մեղքերուն համար ամերիկահայ կազմակերպութիւնները պէտք է պոյքօթի ենթարկեն Փաշինեանի այցը Միացեալ Նահանգներ:

Նախ սկսինք Փաշինեանի վայելած ժողովրդականութեան: Եթէ նոյնիսկ պահ մը ընդունինք, որ այդ նշուած տոկոսները ճիշդ են, Փաշինեանի ժողովրդականութիւնը կը շարունակէ մնալ 10 ամգամ աւելի բարձր՝ քան իր գլխաւոր հակառակորդները հանդիսացող Ռուսերը Քոչարեանի եւ Մեղր Սարգիսեանի վարկանիշը, որ 1 տոկոսի սահմաններուն վրայ է:



Ինչ կը վերաբերի Արցախի կորուստին, այս վերջին փաստաթուղթերը անգամ մը եւս կու գան հաստատելու, որ անոր հիմքերը դրուած էին տակաւին տարիներ առաջ: Իսկ, գալով պատերազմի դաշտին վրայ կրած պարտութեան, Փաշինեան առաջին օրէն ընդունած է պատասխանատուութեան իր բաժինը, սակայն գլխաւոր պատասխանատուները կը մնան Քոչարեանն ու Սարգսեանը, որոնք ամբողջութեամբ անտեսած էին բանակը արդիական զէնքերով օժտելու անհրաժեշտութիւնը, այն օրերուն երբ Ատրպէյճան արագօրէն կը զինուէր ու կը պատրաստուէր պատերազմի: Այս անտեսումին գլխաւոր պատճառը այն էր, որ պետական գանձի կողոպուտը առիթ չէր տար բանակի հզօրացման համար գումար յատկացնելու:

Ինչ կը վերաբերի ժողովրդավարութեան նահանջին, Վարդան Օսկանեան վերջին անձն է, որ իրաւունք ունի ժողովրդավա-

րութեան մասին խօսելու: Ան տասը տարի ծառայեց նախագահի մը, որուն ժամանակ տեղի ունեցան 39 քաղաքական սպանութիւններ, փակուեցան անկախ լրատուամիջոցներ, բանտերը լեցուեցան քաղաքական բանտարկեալներով ու միջազգային իրաւապաշտպան կազմակերպութիւններուն կողմէ Հայաստան դատուեցաւ «ոչ ազատ» երկիրներու շարքին:

Ամերիկահայ կազմակերպութիւններու մեծամասնութիւնը Օսկանեանի կոչը արժանացուց անտեսումի ու իր քաղաքական, բարեգործական, եկեղեցական ու հասարակական միատրներով ներկայ գտնուեցաւ վարչապետի հետ հանդիպումին բարձր պահելով Հայաստանի պետականութեան վարկը: Արդար ըլլալու համար յայտնենք, որ ՀՀ դեսպանատան առջեւ հինգ երիտասարդ կը բողոքէին Փաշինեանի այցելութեան դէմ:

Այս վերջին գաղտնագրածութիւններու լոյսին տակ, ժամանակն է, որ Վարդան Օսկանեանն ու իր ղեկավար Ռուսերը Քոչարեանը հեռանան քաղաքական ասպարէզէն, բայց նախ քան այդ ընդունին, որ Մեղրին Ղարաբաղի հետ փոխանակելու հարցը իրենց համար եղած է ընդունելի տարբերակ:

ԳՐԻԳՈՐ ԽՈՏԱՆԵԱՆ

ԽԱՉՔԱՌ 25

10x10 grid for crossword puzzle 25 with some cells shaded.

- ՀՈՐԻՋՈՆԱԿԱՆ
1) Գարբիլ Սունդուկեանի թատերգութիւններէն
2) Լիբանանի գետերէն
3) Դուրս գալու ճամբայ - Շողկապ - Պտուղի աղուամազ
4) Կիսուած կերպարանք - Ձկնականջ - Ձայնանիշ
5) Ժողովրդական ասոյթ - Կապան քաղաքի նախկին անունը
6) Ողիմպիական դրօշին՝ Ասիան ներկայացնող օղակին գոյնը - Սաստիկ ցեխ
7) Անձնական դերանուն - Պահեցողութիւն - Փոքրացնող մասնիկ
8) Իրերայաջորդ տառեր - Յոգնակերտ մասնիկ (հակ.) - Պոչ
9) Անիրաւ
10) Ոգեկոչէ՛ (հակ.)

- ՈՒՂԱՅԱՅԵԱՑ
1) Հայոց կաթողիկոս՝ Պետրոս Ա.
2) Աւետիս Նազարեկեանի ծածկանունը
3) Խորը - Հանքային համեմ - Շրջ. կակուղ հող
4) Պարտիզային գործիք - Կտակին եզերքը՝ ոլորելով կարուածք - Յուցական ածական
5) Նստարան - Գունաւոր հիւստուածք
6) Լաբիրինթոս - Յոյն դիցուհի
7) Ժխտական մասնիկ - Ուզելու կարողութիւն - Յամառ չորքրտանի
8) Հալած ձիւթ - Իտալիոյ ամենաերկար գետը - Հազարամէկ եկեղեցիներու քաղաքը
9) Վիզիլիտներու թագաւոր
10) Ետին դարձած՝ աղքատ եւ ճերմակ շինանիւթ (երկու բառ)

ՊԱՀՈՒԱԾ ԲԱՌ 26

Large crossword puzzle grid 26 with letters pre-filled in some cells.

- Սահանք
Սահման
Սահմանապահ
Սարսափ (2)
Սիրական
Սողմակ
Սովատանջ
Սպանդ
Ստանայ
Վահան
Վաղեմի
Վեղար
Վերակացու
Վերմակ
Վիճակ
Վստահ
Տաղանդ
Տաղանդաշատ
Տաղտուկ
Տաշտ
Տապաստ
Տասանորդ
Տարտամ
Տեսակ (2)

Table with 4 columns: Եթեր, Եկուոր, Եղանակ, Եղջիւր, Եռանդ, Երազահան, Երանգ, Երկիւղ, Զափաւոր, Զեչաքար, Զնաշխարհիկ, Զորքոտանի, Զուան, Զուառ, Զքնաղ, Զքնաղակերտ, Պատրաստ, Պատրաստական, Պարտէզ, Ջահակիր, Ջերմաստիճան, Ջերմեռանդ, Ջինակ, Ջինջ, Ջնարակ, Ջնարակել, Ջնջան, Ջոջպպ, Ռագմ, Ռագմասայլ, Ռագմերգ, Ռագմիկ, Ռահվիրայ, Ռամիկ, Ռնքակիր, Ռնգեղջիւր, Ռունգ

ԽԱՂԻՆ ՕՐԵՆՔԸ.
- Բառերը կրնան կարդացուիլ տարբեր ուղղութեամբ՝ հորիզոնական, ուղղահայեաց եւ շեղակի:
- Միեւնոյն տառը կրնայ գործածուիլ մէկէ աւելի բառերու մէջ:
- Դիւրութեան համար սկսիլ երկար բառերը գտնելով:

Պահուած բառը (5 տառով)՝ ԶԵՂՈՒՆԻ ԾԵՓ

ՊԱՀՈՒԱԾ ԲԱՌ ԹԻՒ 25-ԻՆ ՊԱՏԱՍԽԱՆԸ՝ ՇՄՈՐՏԱԿ

Պահուած բառին եւ խաչբառին պատասխանները տեսնել խաղերու յաջորդ թիւով

ԽԱՉՔԱՌ ԹԻՒ 24-ԻՆ ՊԱՏԱՍԽԱՆԸ

10x10 grid for crossword puzzle 24 with some cells shaded.

ԱՌՆ. «ՊԷՏՔ Ե ԶԱՐԳԵԼ 18 ՓԵՏՐՈՒԱՐԻ ՊԱՅՄԱՆԱԺԱՄԸ»

Շարունակում էք 1-ին

Հիսխարեւելեան սահմանային գոտիին կողքին, դուրսից տակալին չէ հանդարտած Լիբանանի հարաւային սահմանները գիւղերուն մէջ, ուր իսրայէլեան ուժերը տակալին տեղակայուած են լիբանանեան որոշ դիրքերու մէջ ու կը շարունակեն ոստիկանութիւնները: Անցնող ժամերուն, թէր Զարֆայի մէջ պայթեցաւ բնակարան մը, իսկ սահմանէն հեռու Զահրանի շրջանի Պէյսարի գիւղը թիրախ դարձաւ անօդաչու սարքով յարձակումի:

ԸՆՏՐՈՒԹԻՒՆՆԵՐՈՒ ՆԱԽԱՊԱՏՐԱՍՏՈՒԹԻՒՆ

Ներքին գործերու նախարարի պաշտօնակատար Պասսան Մաուլաուի յայտնեց, թէ որպէս նախապատրաստութիւն այս տարի կայանալիք քաղաքապետական եւ քաղաքապետական ընտրութիւններուն, նախագապետներէն եւ գաւառապետներէն պահանջած է ստուգել ընտրակեդրոններուն քաղաքացիները ընդունելու պատրաստութիւնը, բացի հարաւային գիւղերէն, ուրկէ տակալին չեն քաշուած իսրայէլեան ուժերը: Մաուլաուի յանձնարարած է ընտրակեդրոնները օժտել նաեւ ֆիզիքական խնդիրներ ունեցող քաղաքացիները ընդունելու անհրաժեշտ հնարաւորութիւններով: Նշենք, թէ քաղաքապետական ու քաղաքապետական ընտրութիւնները արդէն երկու անգամ յետաձգուած են ու սկզբունքով պիտի կայանան այս տարի:

ՆԱԽԱՊԱՏՐԱՍՏԻ ԳԵՏԱՔՆՆՈՒԹԵԱՆ ՇԱՐՈՒՆԱԿՈՒԹԻՒՆ



Պէյրութի նաւահանգիստի պայթումին թրջածորարը հետապնդող քննիչ թարթ Պիթար երկ սկսաւ շարունակել աշխատանքը եւ հարցաքննեց երկու անբաստանեալ, ներկայութեամբ անոնց պաշտպան փաստաբաններուն: Ըստ Լիբանանի լրատու գործակալութեան, Պիթար որեւէ ոռշուն չէ կայացուցած անոնց նկատմամբ, այլ կը նախընտրէ նախ ամբողջացնել բոլոր հարցաքննութիւնները եւ ընդհանուր պատկերացում ունենալ ամբողջ թրջածորարի մասին: Իսկ հարցաքննութեան կանչուած երկու այլ անձի նիստերը յետաձգուեցան, որովհետեւ անոնցմէ մէկը հիւանդանոցն է, իսկ միւրը՝ ճամբորդած:

ՀԱՅՈՒՆ ԱՄԵՆՈՒԹԻՒՆԸ

Շարունակում էք 2-ին

Ներկայ օրերու աշխարհի յառաջխաղացքին մէջ մարդիկ կրնան աւանդութիւնները ժամանակակից նկատել: Վեհափառ հայրապետը կը շեշտէ, որ սխալ է այս ըմբռնումը, թէ՛ «Աւանդութիւնը անցեալ է, հնամաշ, անհրապոյր, անիմաստ եւ ներկայ ժամանակներու անյարիր»: Այս մտածողութիւնը ճիշդ չէ: Ժողովուրդ մը կ'ապրի իր աւանդութիւններով: Աւանդութիւններով ապրիլ չի նշանակեր, թէ պիտի ապրինք կեթոյական դրուածքով: Կարելի չէ համամարդկային կեանքի ու անոր հաղորդակցութեան մէջ մտնել, ընդունիլ, յարգել եւ գնահատել ուրիշը, երբ մենք մեր ինքնութիւնը չենք գիտեր:

Աստուածաշունչի դաստիարակութիւնը այս իմաստով շատ դիպուկ է. «Քու ընկերդ սիրես քու անձիդ պէս» (Մատթեոս 22:39):

Եթէ քու անձը չսիրես, այսինքն ինքնութիւնդ, մշակոյթդ, լեզուդ, հաւատքդ, այսինքն՝ ԱՄՆ-ԳՈՒԹԻՒՆԻՆԻ, պիտի չկարենաս տեսնել ուրիշը՝ «ընկերդ», իր լեզուամշակութային եւ ազգային աւանդութիւններով: Ազգային աւանդութիւնը պահելը, կերտելն ու վերակենսաւորելը պիտի առաջնորդեն համազգային արժէքներու գիտակցութեան: Եթէ հայը այսօր հարկադրուած է բացուելու աշխարհին, այս պիտի նշանակէ, որ շատ աւելիով պիտի ամրապնդէ իր աւանդութիւններն ու վերակենսաւորէ զայն աւելի ուժեղ եւ օգտաշատ ձեւով հաղորդակցելու բազմակրօն եւ բազմամշակութային աւանդութիւններով լեցուն համակարգերու հետ:

Աշխարհ այսօր խառնիճաղանձ մթնոլորտի մէջ է: Մարդը կը փնտռէ ու կը փորձէ ստեղծել նոր համակարգեր, նոր արժէքներ, նոր չափանիշներ ու երեւի տակալի՜ն՝ նոր «աստուածներ»: Հայը պէտք չունի այս խառնիճաղանձ մթնոլորտներուն ստեղծած ու սարքած «նոր»-երը կիրարկելու: Հայը ունի իր ազգային աւանդութիւնը: Ինչպէս վեհափառ հայրապետը կը յորդորէ, պէտք է «հաւատարիմ մնալ մեր աւանդութիւններու նկատմամբ»: Աւանդութիւնը «անփոխելի ու անհալելի երեսոյք չէ» (Արամ Ա. վեհափառ հայրապետ 2025): Եթէ պիտի բարեփոխենք եւ պատշաճեցնենք մեր աւանդութիւնը ներկայ օրերու աշխարհի սլացքին հետ, եւ պէ՛տք է որ ընենք, պարտինք փոխել «կեղեցի», բայց՝ պահել «միջուկը» (Արամ Ա. վեհափառ հայրապետ, 2025):

Իսկ միջո՞ւկը: Հայն է: Հայուն ինքնութիւնը, մշակոյթը, լեզուն, հաւատքը, աւանդութիւնը: Հայուն աւանդութիւնը հայը արեւմտոն է: Հայուն աւանդութիւնը հայուն «ընդհանրական ու գերագոյն արժէքներն ու իտելները, իրաւունքները եւ պահանջները արժարձ պահող կենդանի յուշարարներն է» (Արամ Ա. վեհափառ հայրապետ, 2025):

Հայը իր աւանդութեամբ է, որ կը դառնայ ազգային: Հայը իր աւանդութեան մէջէն ու անոր միջոցով է, որ լաւապէս կրնայ մտնել համազգային ու համամարդկային իրավիճակներուն մէջ:

Պիտի պահենք ազգայինը: Ազգայինը պահելով կրնանք կերտել նաեւ համազգայինը եւ մտնել համաշխարհային քաղաքակրթութեան մէջ:

Ազգայինը համազգայինի կամրջող օղակը: Հայուն աւանդութիւնն է:

Հայը պիտի պահէ իր աւանդութիւնը: Բայց անպայմանօրէն պիտի վերակենսաւորէ զայն:

ՊԱՏՄՈՒԹԵԱՆ ՄԷՋ ԱՅՍՈՐ

8 Փետրուար 2025: Տարուան 39-րդ օրն է: 2025-ի աւարտին կը մնայ 326 օր:

Պէպեր-տուներ

1587 - Անգլիոյ Էլիզապէթ Ա.-ի մրցակից Արթուրականայի Մերի Ա. թագուհին գլխատուեցաւ Ֆառըրիմիէյ ամրոցին մէջ:

1974 - «Skylab 4-ը», ամերիկեան տիեզերանաւը, երկիր վերադարձաւ մրցանշային 84 օր 1 ժամ 16 վայրկեան տիեզերքին մէջ մնալէ ետք:

1971 - Հարաւային Վիեթնամի գործերը ԱՄՆ օդային աջակցութեամբ ներխուժեցին Լաոս՝ դէպի հիւսիսային Վիեթնամ մատակարարման ուղիները կտրելու նպատակով:

1968 - Ապտալաւ Եաֆին դարձաւ Լիբանանի վարչապետ՝ յաջորդելով 5 Փետրուարին հրաժարական ներկայացուցած Ռաշիտ Բարամին:

Ծնունդներ

1931 - Ճեյմս Տիւն, ամերիկացի վաղամեռիկ դերասան, 54 ֆիլմերու մրցանակակիր, ստացած է 2 Օսկար:

1873 - Մեհմետ Ռեշիտ Շահինկիրա, Տիարպեքիի թուրք նահանգապետ (1915-1919): Առաջին համաշխարհային պատերազմի տարիներուն այդ նահանգին մէջ կազմակերպած է հայերու, յոյներու եւ ասորիներու զանգուածային կոտորածները, որուն համար ստացած է «Տիարպեքիի մսագործ» ծածկանունը:

1952 - Սոնա Վան (Սոնա Անուշաւանի Տէր Յովհաննիսեան), բանաստեղծուհի, հրապարակախօս, բժիշկ: Աւարտած է Երեւանի բժշկական համալսարանը: 1978-էն կ'ապրի Գալիֆորնիոյ մէջ: Հեղինակ է բանաստեղծական հինգ ժողովածուներու: Պարգևատրուած է ՀՀ «Մովսէս Խորենացի» մետալով:

1828 - Ժիլ Վերն, ֆրանսացի գրող, արկածային գրականութեան դասական, գիտա-երեւակայական գրականութեան հիմնադիրներէն: Իր ստեղծագործութիւններէն շատերը թարգմանուած են հայերէն «Երկրէն դէպի Լուսին», «Նաւապետ Կրանտի որդիները», «Խորհրդաւոր կղզին» եւ այլն:

1834 - Տմիթրի Մենտելիեւ, ռուս ականաւոր գիտնական, քիմիագետ, կազմած է քիմիական տարրերու Պարբերական համակարգը:



Մահեր

1871 - Նասիֆ էլ-Եագիթի, լիբանանցի քրիստոնէայ գրող եւ մանկավարժ: Ժամանակակից արաբական գրականութեան կարկառուն դէմքերէն էր:

1725 - Պետրոս Ա., համայն Ռուսիոյ առաջին կայսրը, Ռոմանովներու հարստութեան Մոսկովեան պետութեան ցարը:

1912 - Գրիգոր Արրահամի Խալապետ, հայագետ, պատմաբան-բանասէր, մանկավարժ, մշակութային գործիչ: Պատմական գիտութիւններու դոկտոր-փրոֆեսոր:

2017 - Վիկթոր Զանով, խորհրդային եւ ուրբանացի ֆուլբոլի լաւագոյն բերդապահներէն:



ԱՅՍ ԾԱԲԱԹԱՎԵՐՋԻՆ ՔԱԶԱԼԵՐԵՆՔ Հ.Մ.Մ.-Ի ՊԱՏԱՆԻ ՖՈՒԹՊՈՒԽՈՒՄԲԵՐԸ

1) ԼԵՆԱԼԻԲԱՆԱՆԻ ԼԻԿ – 2008-ի ծնունդներ Հ.Մ.Մ. ընդդէմ ԱՌԵԹԻԶՕ



Շաբաթ, 8 Փետրուար 2025, առաւօտեան ժամը 9:30-ին Սինէ էլ Ֆիլի քաղաքապետարանի մարզադաշտին վրայ:

2) «GEN ALPHA LEAGUE» – 2010-ի ծնունդներ Հ.Մ.Մ. ընդդէմ EFP



Շաբաթ, 8 Փետրուար 2025, յետմիջօրի ժամը 2:00-ին EFP-ի մարզադաշտին վրայ (Չուք Մոսպի):

3) «PRO LEAGUE» - 2015-ի ծնունդներ Հ.Մ.Մ. ընդդէմ ER

Կիրակի, 9 Փետրուար 2025, կէսօրուան ժամը 12:00-ին Արեւիքի մարզադաշտին վրայ (Մանսուրիէ):



Ստորեւ «GEN ALPHA LEAGUE» – 2010-ի դասաւորումը.


	խումբեր	Մրց.	Յաղթ.	հաւ.	պարտ.	Կօլեր	Կետ
1	FTS	9	7	1	1	39-5	22
2	Հ.Մ.Մ.	9	7	1	1	25-8	22
3	KFR	9	6	2	1	28-14	20
4	CFC	9	6	1	2	34-8	19
5	MVP	9	3	1	5	8-15	10
6	EFP	9	2	1	6	8-22	7
7	JFA	9	0	2	7	5-46	2
8	CLU	9	0	1	8	5-34	1

ԳՐԱԴՈՒՄՑ ՕՐ

ՍՈՒՐԲ ԷԶՄԻԱԾՆԻ ԿՐՕՆԱՍԵՐ ՏԻԿՆԱՆՑ ՀԱՍԱԽՄԲՈՒՄ

25 Մայիս 2025

ԵՂԱՆԱԿԸ ԱՅՍՈՐ



Պէյրութ (մասամբ ամպամած) ցերեկը 14/11՝ գիշերը՝ 54% տամուկ

Երեւան (ամպոտ) ցերեկը 4/-3՝ գիշերը՝ 63% տամուկ

Հալիպ (ընդհ. ամպոտ) ցերեկը 11/4՝ գիշերը՝ 51% տամուկ

Ղանասկոս (արեւոտ) ցերեկը 10/4՝ գիշերը՝ 44% տամուկ

Տուպայ (արեւոտ) ցերեկը 26/18՝ գիշերը՝ 63% տամուկ

Լոս Անճելըս (ընդհ. ամպոտ) ցերեկը 17/12՝ գիշերը՝ 57% տամուկ

Սիտնի – վաղը (թթեւ անձրեւ) ցերեկը 27/22՝ գիշերը՝ 69% տամուկ

Սոնթեվիլտօ – (մասամբ ամպամած) ցերեկը 31/22՝ գիշերը՝ 62% տամուկ

ARARAD DAILY NEWSPAPER

MANAGING DIRECTOR: ANI SARAFIAN
Tel.-Fax: 01-565599 | P.O.Box: 175275 Mar Mikhael
Beirut | Lebanon | www.araraddaily.com
email: araradoratert@gmail.com

ارارات جريدة سياسية يومية أرمنية | المديرية المسؤولة: اني صرافيان
تصدر عن شركة سبيسر للمطباعة والنشر (ش.م.م.)